

Aux Ministres de la nouu. Eglise.

Catholicque et Apostolicque est tousiours demourée Maistresse, les autres ayans esté precipitées es gouffres des enfers, dont elles estoient sorties.

OR doncques pour conclusion, puis que ne pouuez estre fideles, en ne voulant croire auecques l'Eglise catholique, la verité du corps et sang de Iesus Christ en l'Eucharistie, et que c'est le sacrifice pour les pechez des viuans et des trespassez: Puis qu'il n'est pas vray q'il ne fault receuoir autre chose que la parole expresse, et neantmoins la parole expresse est expressement pour nous: Puis qu'à grand tort auecques les Iuifz vous nous appelez Idolatres: Puis que vostre vie ne est pas meilleure que celle des Catholiques, à fin que ie ne die rien trop asprement: Puis que voz Ministres sont tels qu'à bon droict on les peult mespriser, ou abhorrer: Puis que nous auons tousiours veu et leu, que l'Eglise catholique quoy qu'il tarde, et quelque persecution qu'elle endure, elle vient à la parfin au dessus: le vous prie regardez vn peu, si vous auez quelques autres persuasions pour m'induire à faire mon salut auecques vous: car iusques icy i'ay ceste ferme foy, que hors l'Eglise catholique il n'y ha nul salut. le vous prie pour l'honneur de Iesus, donnez moy bien tost response, pour me mettre hors de ceste doute, et ne faictes pas comme le n'aguières Carme, qui m'auoit promis de me respondre, ce qu'il n'ha fait: dequoy ie ne m'esmerueille pas, car puis qu'il a faulsé sa foy à Dieu, quelle merueille est-ce s'il la faulsé aux hommes? Iesus Christ vous doint la grace de faire ce qui est pour vostre salut.

Libellus hic nihil continet quod Catholicae fidei aduersetur, aut tranquillitatem publicam turbet, quin potius Catholicam Ecclesiam tuetur contra innouatores.

*Philippus Boestius Pastor
B. Mariae Antwerp.*



Il 164—
16

Il 165.
I 118.